

**Umno Bahagian Kota Kinabalu Rai 60 Anak Yatim Dalam Majlis Berbuka Puasa Bernama  
21 Julai, 2013**

KOTA KINABALU, 21 Julai (Bernama) -- Biro Ekonomi dan Usahawan Umno Bahagian Kota Kinabalu meraikan 60 anak-anak yatim sekitar bandaraya ini dan Rumah Anak Yatim Tambunan bersama 20 ibu tunggal dalam satu majlis berbuka puasa di sini.

Menurut ketua Umno bahagian Kota Kinabalu Datuk Faisyal Diego, majlis seumpama itu hanya akan dapat dirasai sekali dalam setahun amatlah bermakna.

"Di samping melakukan ibadah, kita dapat membantu meringankan beban mereka yang kurang bernasib baik," katanya ketika berucap pada majlis penyampaian sumbangan kepada ibu tunggal dan anak-anak yatim di sini malam tadi.

Turut hadir ketua wanita Umno bahagian itu Datuk Fatimah Shara Mohd Noor.

Menurut Fatimah selain meraikan anak-anak yatim dan ibu tunggal ini, majlis berbuka puasa ini diadakan bagi mengeratkan silaturahim.

"Bulan Ramadan ini juga banyak mengajar kita tentang kepayahan hidup mereka yang kurang bernasib baik," katanya.

Majlis tersebut turut diserikan dengan beberapa aktiviti seperti persembahan nasyid dan pertunjukan silap mata.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=964944>